

**Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE**



**Broj: 01-224/26
Vareš, 29.07. 2026. godine**

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine FBiH“, broj: 49/06 i 51/09), člana 22. i 95. Statuta Općine Vareš (prečišćeni tekst), broj: 01-162/12 od 11.09. 2012. godine, Općinsko vijeće Vareš na 18. sjednici održanoj 29.07. 2026. godine, d o n o s i

O D L U K U
o subvencioniranju troškova prijevoza na relaciji Vareš-Zenica-Vareš
kategorijama stanovništva u stanju socijalne potrebe

Član 1.

Ovom Odlukom utvrđuju se uslovi i način subvencioniranja troškova prijevoza na relaciji Vareš-Zenica-Vareš, kategorijama stanovništva u stanju socijalne potrebe s područja općine Vareš.

Član 2.

Pravo na subvencioniranje troškova prijevoza mogu ostvariti osobe sa prebivalištem na području općine Vareš koje pripadaju kategoriji stanovništva u stanju socijalne potrebe i penzioneri sa najnižom penzijom.

Član 3.

Korisnicima prava iz člana 2. ove Odluke, subvencionirat će se 100% cijena dnevne povratne karte na relaciji Vareš-Zenica -Vareš.

Član 4.

Subvencija se odobrava radi odlaska u Zenicu zbog:

- liječenja, specijalističkih pregleda, dijagnostičkih pretraga
- ostvarivanja prava pred kantonalnim i drugim javnim institucijama
- drugih opravdanih razloga

Član 5.

Zahtjev za ostvarivanje prava podnosi se JU „Centru za socijalni rad“ Vareš.

Član 6.

Sredstva za subvencioniranje troškova prijevoza isplaćivat će se iz Budžeta Općine Vareš.

Član 7.

Detaljniji uslovi, kriteriji, način i postupak ostvarivanja prava iz ove Odluke utvrdit će se Pravilnikom kojeg donosi Općinski načelnik u roku od 15 dana od dana stupanja na snagu Odluke.

Član 8.

Za realizaciju i praćenje primjene ove Odluke zadužuje se JU „Centar za socijalni rad“ Vareš, Služba za privredu, finansije i trezor i Služba za opću upravu, društvene djelatnosti i boračko-invalidsku zaštitu Općine Vareš.

Član 9.

Ova Odluka stupa na snagu danom donošenja, a objavit će se na oglasnoj tabli Općine Vareš.



**PREDSJEDAVAJUĆI
OPĆINSKOG VIJEĆA**

Igor Šimić
Igor Šimić

Odluka objavljena na oglasnoj tabli Općine Vareš dana 30.07. 2026. godine.



OPĆINSKI NAČELNIK

Malik Rizvanović
Malik Rizvanović